

	Efni	ODP
Vetnisbrómflúorkolefni	$C_3H_4F_2Br_2$	16
	$C_3H_4F_3Br$	12
	$C_3H_5FBr_2$	9
	$C_3H_5F_2Br$	9
	C_3H_6FBr	5

II. VIÐAUKI

Heildarmagn vetnisklórflúorkolefna sem heimilt er að flytja inn til landsins á tímabilinu 1. janúar 1997 til 31. desember 1997 jafngildir 8.4 ODP-tonnum og er reiknað út frá innflutningi árið 1989 á eftirfarandi hátt.

Summan af:

2,6% af magni CFC sem flutt var inn til landsins árið 1989, margfaldað með ósoneyðingarmætti viðkomandi efna og magni HCFC sem flutt var inn til landsins árið 1989, margfaldað með ósoneyðingarmætti viðkomandi efna.

Heildarinnflutningur HCFC (ODP tonn) til landsins er takmarkaður enn frekar í samræmi við eftirfarandi töflu og gildir á gefnu eftirfarandi tímabili og hverju 12 mánaða tímabili þar á eftir.

Tímabil	% af ofangreindri summu	ODP tonn HCFC sem heimilt er að flytja inn
1. jan. 1997 - 31. des. 1997	100	8.4
1. jan. 2004 - 31. des. 2004	65	5.5
1. jan. 2007 - 31. des. 2007	40	3.4
1. jan. 2010 - 31. des. 2010	20	1.7
1. jan. 2013 - 31. des. 2013	5	0.4
1. jan. 2015 - 31. des. 2015	0	0

SAMÞYKKT

um búfjárhald í Siglufirði.

1. gr.

Tilgangur samþykktar þessarar er að tryggja sem best skipulag, stjórn og eftirlit með búfjárhaldi í Siglufirði, koma í veg fyrir ágang búfjár á gróður í firðinum og á lóðir bæjarbúa og gæta þess að hús fyrir búpening og önnur aðstaða sé þrífaleg og í samræmi við vilja bæjarstjórnar.

2. gr.

Allt búfjárhald (alifulga, geita, hrossa, kanína, loðdýra, nautgripa, sauðfjár og svína) er óheimilt í Siglufirði, sunnan svæðis sem afmarkast af Strákagöngum í vestri og Nesskriðum í austri, nema með sérstöku leyfi bæjarstjórnar að uppfylltum eftirtöldum skilyrðum:

- a. að búfjáreigendur hafi jafnan fullnægjandi aðstöðu til þess að halda búfé, bæði hvað varðar landrými, húsakost og fóður. Þeir skulu gæta þess að fjöldi búfjár sé innan þeirra

- marka sem bæjarstjórn hefur tiltekið í leyfi sínu. Bæjarstjóri, eða maður sem hann skipar til verksins, skal fylgjast með því að reglur þessar séu haldnar.
- b. að aðbúnaður búfjár og meðferð þess sé jafnan í fyllsta samræmi við ákvæði laga um búfjárhald og dýravemd. Þá er búfjáreigendum skylt að hlíta hvers konar fyrirmælum um hreinlæti og heilbrigðishætti. Heilbrigðisfulltrúi fylgist með því að reglur þessar séu haldnar.
 - c. að búfé sé ávallt í öruggri vörslu búfjáreigenda. Þeir bera fulla bótaábyrgð á öllu tjóni, sem búfé þeirra kann að valda.
 - d. að verði breyting á eignarhaldi búfjár, ber að gera bæjarstjórn grein fyrir því, sem þá ákveður framhald leyfisveitingar.
 - e. að úrgangi sé komið í sérstakan safnhaug eða á annan þann stað sem bæjarstjórn kann að ákveða.
 - f. að bæjarstjórn sé heimilt að leggja leyfisgjald á búfé til að standa undir kostnaði við forðagæslu og búfjárefirlit. Gjaldskrá fyrir leyfisgjöld er gefin út af landbúnaðar-ráðherra skv. lögum nr. 46/1991 og birt í Stjórnartíðindum.

3. gr.

Sá sem hyggst sækja um leyfi til búfjárhalds samkvæmt 2. gr. skal senda umsókn þess efnis til bæjarstjórnar. Í skriflegri umsókn komi fram fjöldi búfjár sem óskað er leyfis fyrir, hvernig skilyrði 2. gr. verði uppfyllt og annað það sem bæjarstjórn kann að óska eftir eða umsækjandi vill koma á framfæri og telur máli skipta.

4. gr.

Telji bæjarstjórn skilyrðum fullnægt fyrir leyfisveitingu, skal hún veita leyfi til búfjárhalds og er heimilt að takmarka það við ákveðinn tíma, fjölda búfjár og/eða ákveðin svæði. Leyfi til búfjárhalds skuldbindur þó ekki bæjarfélagið til að sjá leyfishöfum fyrir beitolandi eða annarri aðstöðu. Leyfi til búfjárhalds er gefið út á nafn og er ekki framseljanlegt. Leyfin skal gefa út til eins árs í senn, frá 1. júní til 31. maí. Sé leyfi sagt upp skal allt búfé viðkomandi farið úr Siglufirði eigi síðar en þremur mánuðum eftir að uppsögn tekur gildi. Brjótí leyfishafi reglur um meðferð búfjár eða gætir þess ekki á fullnægjandi hátt má afturkalla leyfið fyrirvaralaust.

5. gr.

Öll lausaganga búfjár er bönnuð í Siglufirði. Búfénað sem gengur laus, skal lögreglustjóri láta handsama og taka í sína vörslu. Enn fremur geta þeir sem verða fyrir ágangi látið handsama ágangsféð, en þeir skulu skýra lögreglustjóra frá því tafarlaust. Eigendum ágangsfénaðar ber að greiða allan kostnað af handsömun og geymslu fénaðarins, svo og allt það tjón sem hann kann að hafa valdið. Við ítrekað brot skal ágangsfénaði slátrað og frálagsverð látið mæta áföllnum kostnaði.

Ákvæði 1. mgr. gilda einnig um búfé í eigu annarra en íbúa Siglufjarðar.

6. gr.

Þeir sem við gildistöku þessarar samþykktar eiga eða hafa í umsjá sinni búfé sem fellur undir ákvæði hennar skulu innan tveggja mánaða frá gildistöku tilkynna búfjárhald sitt og sækja um leyfi fyrir því. Búfénaður sem ekki hefur verið sótt um leyfi fyrir að þeim tíma liðnum skal handsamaður á kostnað eiganda og slátrað að undangenginni aðvörun sem eigi hefur verið sinnt.

7. gr.

Brot gegn samþykkt þessari varða sektum. Með mál út af brotum skal farið að hætti opinberra mála.

8. gr.

Samþykkt þessi, sem samin er og samþykkt af bæjarstjórn Siglufjarðar, staðfestist hér með samkvæmt lögum um búfjárhald nr. 46/1991, til þess að öðlast þegar gildi og birtist til eftirbreytni öllum þeim sem hlut eiga að máli.

Landbúnaðarráðuneytinu, 20. nóvember 1997.

Guðmundur Bjarnason.

Jón Höskuldsson.

AUGLÝSING

**um staðfestingu á breytingum á skipulagsskrá fyrir samtökin
„Ungt fólk með hlutverk“ nr. 121 27. janúar 1978.**

Stjórn samtakanna „Ungt fólk með hlutverk“ hefur hinn 19. apríl 1997 samþykkt eftirfarandi breytingar á skipulagsskrá samtakanna, sem staðfest var 27. janúar 1978.

1. gr.

1. gr. orðist svo: Hlutverk samtakanna er að vinna að framgangi síðustu skipunar frelsarans Jesú Krists kristniboðsskipuninni og vera til þjónustu við einstaka kristna söfnuði. Öll slík starfsemi skal vera í fullu samráði við hlutaðeigandi aðila í hverju tilviki.

2. gr.

7. gr. orðist svo: Reikningsár samtakanna er almanaksárið og skulu reikningarnir endurskoðaðir af löggiltum endurskoðanda.

3. gr.

8. gr. orðist svo: Komi til þess að U.F.M.H. hætti störfum, skulu eigur þess renna til kristins kirkjusafnaðar samkvæmt ákvörðun sem tekin yrði samhliða ákvörðun um að leggja samtökin niður.

4. gr.

9. gr. orðist svo: Skipulagsskrá þessari verður ekki breytt nema með samþykki 4/5 hluta greiddra atkvæða á fundi fulltrúaráðs U.F.M.H. og að því tilskyldu að um slíkt fundarefni hafi verið getið í dagskrá og a.m.k. helmingur fulltrúaráðsins sé mættur á fundinn. Með sama hætti má taka ákvörðun um að leggja samtökin niður.

Ofangreindar breytingar á skipulagsskrá fyrir samtökin „Ungt fólk með hlutverk“ staðfestast hér með samkvæmt lögum um sjóði og stofnanir sem starfa samkvæmt staðfestri skipulagsskrá nr. 19/1988.

Dóms- og kirkjumálaráðuneytinu, 21. nóvember 1997.

F. h. r.

Þorsteinn Geirsson.

Fanney Óskarsdóttir.